



ÁŠŠEČILGEHUS | SAKSFRAMLEGG

čoahkkin | møte: Riikkačoahkkin/Landsmøte 2022

beaivi ja báiki | tid og sted : 23.9 –25.9 - Áltá

áššenummar | saksnummer : 2022/5.1

áššemeannudeaddji | saksbehandler: riikkastivrra/landsstyret

2022/5.1 Doaibmaplána 2023-2024 NSR válдоorganisašuvdna

Organisašuvdnaovdánahttin ja siskkáldas kommunikašuvdna

NSR áigu vuoruhit:

- Nannet čállingotti earret eará lassi virgeressurssaid ja digitála infrastruktuorra nannemiin
- Viidáseappot ovdánahttit NSR bargoaddin:
Bargat siskkildemiin (inkluderemiin) NSR organisašuvnnas. Dát lea oassi NSR ovddasvástádusas bargoaddin ja siskkildeaddji organisašuvdnan. Dáikko lea mis maid erenoamáš ovddasvástádus leat olámmuttos olbmuide geain leat doaibmahehttehusat.
- Čuovvulit #NSRmaid barggu sihkkarastin dihte oadjebas organisašuvnna gos eai leat seksuála loavkašuhhtimat ja veahkaválddálašvuohta, earret eará dan bokte áhte válljet ođđa dieđihanjoavkku;
- Viidáseappot bargat NSR ehtalaš njuolggadusaiguin mat eai leat mielde #NSRmaid njuolggadusain, ja geahččat rutiinnaid dasa jus njuolggadusat rihkkojuvvojit;
- Rekrutteret miellahtuid dainna ulbmiliin ahte olahit 1500 miellahtu;
- Juohke jagi lágidit stuorát rekrutterenkampánjja ovttas báikkálaš servviiguin;
- Guorahallat ovdamunnefálaldagaid NSR-miellahtuide;
- Leat doarjjan báikkálaš servviide, movttiidahttit daid hutkat eambo aktivitehtaid ja veahkehit ásahtit rutiinnaid ja vuogádagaid mat álkidahtáše barggu;
- Ovdánahttit organisašuvdnagiehtagirjji ovttasbarggus eará sámi organisašuvnnaiguin, bargat dan ovdii ahte ásahtuvvojit ođđa sámesearvvit guovlluin gos dat lea lunddolaš;
- Fállat sámeserviide digitála čoahkkinastinlávddi;

- Nannet sámeservviid, riikkastivrra, sámediggejoavkku ja nuoraidlávdegotti gaskasaš gulahallama,
- Lágidit digitála semináraid miellahtuide ja luohttevašolbmuide deatalaš áššiid birra, earret eará oassin dan barggus ahte sihkkarastit buriid proseassaid organisašuvnnas;
- Fállat kurssaid NSR miellahttovuogádaga, neahttasiiddu ja eará reaidduid birra mat sáhttet álkidahttit beaivválaš barggu. Čuovvulit báikkálaš servviid dan bokte ahte riikkastivra/čállingoddi lea ovddastuvvon unnimusat ovttá čoahkkimis dahje lágideamis.

Sosiála mediat (SoMe), neahttasiidu ja mediabargu

NSR áigu vuoruhit:

- ovdánahttit NSR kommunikašuvnna Facebookas ja Instagrammas ja hábmet plána mii sihkkarastá ođastemiid áigges áigái;
- ásahit plána dasa movt SoMe geavahuvvo buot lágidemiid ja stuorát dáhpáhusaid oktavuodas, dás maiddáai movt #fáddágilkorat sáhttet geavahuvvot ovddidit searvama ja sáhkasáni;
- atnit NSR-joavkku Facebookas digaštallat kultuvrralaš ja politihkalaš áššiid;
- bisánkeahtta nannet SoMe-gelbbolašvuoda, dás maiddáai čuovvut mielde otná ja ođđa SoMe ovdánemiin;
- juogadit SoMe-gelbbolašvuoda báikkálaš servviiguin;
- ásahit ođđa ja čorgadis neahttasiidduid gos maiddáai leat sierra siiddut báikkálaš serviide;
- fuolahit ahte leat áigeguovdilis ja ulbmillaš dieđut nsr.no siidduin sihke sámegillii ja dárogillii;
- áigges áigái ođastit neahttasiiddu ja lasihit ođasáššiid riikkastivrra, sámediggejoavkku, sámediggeráđi ja sámeservviid barggus;
- fállat mediaáššiid organisašuvnna doaimma birra ja leat njunnošis deatalaš sáme politihkalaš áššiin, sihke sámi, báikkálaš ja riikkaviidosas.

Fierpmádat ja alliansat

NSR áigu vuoruhit:

- doallat oktavuoda sámi vuoigatvuođalaččaiguin ja vuoruhit sin veahkehit dárbbu ja kapasitehta mielde;
- doallat lagas oktavuoda eará sámi organisašuvnnaiguin;
- nannet dialoga sámi ealáhusservviiguin;
- nannet fierpmádaga našuvnnalaš minoritehtaid organisašuvnnaiguin, ja ovttasbargat daiguin ja doarjut daid solidáralaččat dalle go lea lunddolaš;
- áimmahuššat fierpmádaga biraslihkadusain ja eará beliiguin geat sáhttet leat ovttasbargoguoimmit sámi areálaáššiin;
- viiddidit ja áimmahuššat fierpmádaga našuvnnalaš politihkalaš bellodagaid guovdu.

Čoahkkimat ja ovddasteamit

NSR áigu vuoruhit:

- lágidit rabas semináraid deatalaš sámepolitihkalaš gažaldagain dahje sámi servodahkii eará relevánta áššiin, eandalii ovttasráđiid báikkálaš servviiguin;
- bovdet miellahttočoahkkimiidda riikkastivračoahkkimiid oktavuodas;
- leat mielláguideaddjin konferánsain ja seminárain mat sáhttet leat mielde doarjume sámi vuoigatvuođalaččaid;
- leat searvvis ja oidnosis deatalaš konferánsain, seminárain ja kulturlágidemiin;
- juohkit dieđuid NSR miellahtuide ja luohhtevašolbmuide čoahkkimiid ja lágidemiid birra.

Giella

NSR áigu vuoruhit:

- ieš leat buorre giellaarena, ja ovdagovvan sámegeiela geavaheamis sihke siskkáldas ja olgguldas čoahkkimiin, politihkkahábmemis, gulahallamis miellahtuiguin ja servodagain;
- ávžžuhit bargiid, luohhtevašolbmuid ja miellahtuid aktiivvalaččat geavahit daid vejolašvuođaid mat gávdnojit SOL oahppolihtu olis dasa ahte lágidit sámeielkurssaid;
- ovddidit sámegeiela geavaheami servodagas ja aktiivvalaččat bargat dan ovdii ahte bisuhit dan rikkis sámegeiela girjáivuođa, earret eará Sámedikki našunála álgagiid, nugo «giellajagi» oktavuodas;
- bargat dan ovdii ahte sámi báikenamat oidnojit ja adnojuvvojit doppe gos báikenamat galbejuvvojit ja čalmmustahttojuvvojit;
- veahkin sámeservviide ávžžuhit suohkaniid miehtá sámi váldit stuorát ovddasvástádusa sámeielaid ja sámi báikenamaid hárrái.

Politihkalaš bargu ja politihkkaovdánahttin

NSR áigu vuoruhit:

- bargat Sámedikkis válgaprográmma ja *Beaiveálgu*-julggaštusa mielde dán sámediggeáigodaga;
- bargat politihkalaččat olggobealde Sámedikki deatalaš áššiin mat gusket sámi servodahkii, erenomážit áššiin main Sámediggi formálalaččat ii leat váldi;

- searvat gulaskuddamiidda ja sáddet gulaskuddancealkámušaid stuora politihkalaš proseassain mat gusket Sápmái;
- ovdánahttit boahhteáiggi politihka earret eará dan bokte ahte ásahit siskkáldas bargojoavkkuide mat sáhttet ovdánahttit politihka.
- Ovddidit ovttasbarggu sámiid, álgoálbmogiid ja olbmuid gaska riikarájiid rastá.

MEARRÁDUS EVTTOHUS | FORSLAG TIL VEDTAK:

Jagi 2022 riikkačoahkkimii ovddiduvvon doaibmaplána dohkkehuvo.